


Poësa polono-latini. 1520.

Schonei Andreac. Palaemon seu Promni-
cum Crasianum in tuncta sella con-
servatum

Cracoviae typis Andri. Petrowii. 1589.

63 : 111

4617





Foor. 1520.

PALÆMON,
SEV
PROMNICVM
CRASINIANVM,
INTVMVLTV BELLICO
CONSERVATV M.

Ad Reverend: D. Stanislaum Crasinum
Archidiaconū Cracouensem. etc. etc.

ANDREÆ SCHONEI Glogouien: publici in Acadœ
mia Cracoviensi Professoris

C R A C O V I Æ,
Typis Andreæ Petricouii. 1589.

MONS. S. I. B.
8
STANISLAO CRASI-
NIO MOECENATI SVO.

Andreas Schoneus.

*Vivis Crasini nobis, benefactaq; vivunt,
Incultum, at memorem, nunc Corydona cape.*



CRACOWIA

T. Apoll. Andreæ Tencioni. 128

P A L A E M O N,
S E V
P R O M N I C V M
C R A S I N I A N V M,
I N T V M V L T V B E L,
L I C O C O N S E R V A T V M.

Meliboeus, *Corydon.*

QVid video? Promnicumne? aut vestigia fallunt Me lib.
Deuia, & ignota deerro regione viaque?
Cuius agri hi pingues & culta noualia? cuius
Hæ saturæ pecudes? noua que domus emicat illic?
Sed video ecce greges inter Corydona iacentem.
Dic quibus in terris? cuium pecus, aruaq; cuius?
Quid vis? forte tibi caligant lumina Bacho, Coryd.
Aut lupulo, quasi non hac ibas creber in urbem,
Ipse ego te toties vidi. tenet ista P A L E M O N
Prædia, P R O M N I C V M nostri dixere priores.

Nescio, quæ nostros v lulabat fama per agros, Melib,
Omnia circā urbem rura ignibus hausta, casasque
Omnes in cinerem versas, volucremque fauillam.

A ij Vidimus

Vidimus ipsi etiam in cœlis incendia magna,
Flammarumq; procul longos splēdescere tractus.
Insuper Agricolæ Cererem dixere capillis
Impexis, similem bachanti errasse per agros,
Atquè implesse omnes lachrimosis vocibus auras.

Coryd. Audieras & facta hæc sunt ; quis crederet ante?

Huc illuc oculos iacta, tristesque ruinas
Aspice, vbi stabant prius horrea, tecta, domusque,
Nunc nihil est ; squalent luætu , mœstoq; vlulatu
Omnia. quis parcat lachrimis hæc talia cernens ?
Illa vbi nunc trabibus constructa palatia pictis ?
Illi vbi tot varijs halantes floribus horti ?
Herbisque ignotis , peregrinaque arbore pulcræ
Vrbis deliciæ ? furor atque licentia sævi
Militis, hæc foedè turbarunt omnia. nostro
Milite non vidi quicquam petulantius. ecce
Alta domus retrò, visu pulcherrima quondam,
Quàm foeda apparet, tristis sine nomine moles,
Imbris, & pluuijs, ventisque obnoxia cunctis;
Illa Palæmonem magnum recreare solebat
Æstate : eius ibi sedes & regna fuere
Rustica : quò tota vrbs iuuenesq; senesq; ruebant
Lucibus effusi festis, Phœboque sereno.

Melib. Sed quæ tanta fuit præsentis causa salutis ,
Tela inter media, atque hostes, vicinaq; damna ?

Ipse

Ipse Deus Melibœe, & Heri nomenq; decusq; Coryd.
Omnia seruarunt, quod non sperare licebat,
Nobis: salua domus, salui cum Coniuge nati
Dulces, salui horti, cumeræ, granaria, sepes:
Ecce greges ouium pingues, plenisque capellæ
Vberibus, lœtæ en segetes & aratra, bouesque.

Ecquis herus vester, cui parcere nescius ipse Melib.
Mars parcit? nouitnè hominum discrimina miles?
Nā neq; nos, quamuis lōgē absimus vrbe, malorū
Exortes fuimus; quid sit bellum impium & hostis
Atrox, cum gemitu expertus; sensere rubentes
Isti oculi, pallorque oris: sensere perusta
Horrea, balantesque agni, rus denique totum.

Non illum nosti? fama super æthera notus, Coryd.
Hunc siluæ, luciique sacri, montesque loquuntur
Omnes, hunc arbusta sonant, fontesque lacusque.
Et quod mireris, tenet ille ingentia in vrbe
Tecta, domi templum est, fumantq; altaria semper,
Quæ nuper solido erexit de marmore: cuncta
Auro ibi & argento splendent, pictisque tapetis.
Sic habuit fratrem, cuius sacra tempora circùm,
Infula fulgebat, gemmis auroque decora,
Stultus ego, vt vidi lucem flammamque putabam.
Non illo inferior noster; nam nomina magna
Nescio; turba illum vocat Archidiaconū, agrestis,

A iij Custo-

Custodem atq; Decanū alii , magnumq; Scholarū
Dicunt patronū: sunt qui quoq; Episcopū eundem
Aut esse aut fore cōmemorant. Sed qd moror istos
Ignotos titulos ; illum venerantur , honorant
Omnes , & primo solio dignantur vbiique.
Hic quoq; amat nostrā, quamuis sit rustica, Musā,
Sæpeque coram illo calamos inflamus agrestes.
Ipse etiam in siluis imitatur Pana canendo,
Et leges & iura sonat , charamque Deorum
Progeniem Astræam diuino carmine dicit ,
Discordes animos, aduersaque pectora mulcens.

Melib. Fortè quoq; ille tenet villas, & prædia bina
Non procul à nobis ; illis felicibus aruis ,
Semper vbi Agricolæ, fœcundis horrea complent
Mæsibus, & lætas pascunt armenta per herbas.
Assiduè surgunt illic noua tecta, domusque ,
Diruta cum stabulis , antiqua mapalia cuncta ,
Vrbem fortè nouani statuet : viuaria lambunt
Vndique agros, vix tot vehit ingens vistula pisces.

Coryd. Aut dōini haud similes vestri, dic obsecro quales?
Cur properas, nondū redeunt ad mulætra capellæ.

Melib. Quantū humiles inter salices , altè emicat ilex,
Quantum agni cedunt tauris & matribus hoedi ,
Tantū inter proceres effert sublime P A L Æ M O N
Os humerosque , illiqüe omnes me iudice cedunt.

At nostri

At nostri quales; rigida nos compede stringunt,
 Seruitioque premunt duro, saeuisque rapinis,
 Non secus ac si hostes essent, Mosciq; Getæque,
 Expilant miseros, spoliantq; vorantq; necantque.
 Haud opibus tamen immensis & diuite crescunt
 Censu: nuda illos æquè vt nos, vexat egestas.
 In tenues abeunt ventos, nubesque fugaces
 Cuncta Deo irato; vel enim luxuque feraque
 Ingluuiie rem omnem perdut, vel perfidu & audax
 Agmen seruorum manibus furatur auaris.
 Non tecta instaurant, veteri collapsa ruina,
 Omnia foeda iacent, multum nocitura nepoti:
 Consumunt nondum sata arataque, spesq; futuras
 Vendunt, decipiunt alios, artesque dolosque
 Nectunt innumeros, fuluo potiantur vt auro,
 Thesaurosque ima moueant tellure repostos.

Ergo tuū semper tollemus ad astra PALÆMON Coryd.
 Nomen, & in cœlos pariter tendemus vtrasque
 Palmas, vt longos numeres feliciter annos.
 Ecce tuis aris violasque rosasque quotannis
 Ipse feram, spargamq; alijs benevolentibus herbis,
 Addam pruna, pyra atque nuces & mitia poma.
 Namque alij plenis vicini ab ouilibus agnos
 Crescentesque ferent vitulos, taurosq; litabunt.
 Hæc tibi semper erunt, dum ferro scindet arator
 Terram,

Terram, dum salices carpent frondesq; capellæ.
Vtq; STANISLAO, tibi sic pia vota feramus
Post tua fata vtinam, sisque omnibus alter ab illo.

Melib. O si vnuſ vestri gregis eſſem; mallem ego vobis
Pascere oues custos alienas, falceque dura,
Sole ſub ardentи flauas ſuccidere aristas,
Quam proprias alibi ſegetes curare, pecuſque.
Hic ego vobifcum dulci consumerer æuo,
Nec mihi triste foret pallenti occumbere morti.
Iam mihi per saltus videor, per prata, per hortos,
Perque greges vestros, properatis paſſibus ire.
Omnia vendam ergo, cum rus ex vrbe redibo,
Inq; tuos migrabo agros, fundumq; PALÆMON.

